


PAMFLET

753



D
B

cap. 9. 9

EEN VERCLARINGHE
DER OORSAKEN
BEVVEGHENDE DE CONINGHIN-
ne van Enghelandt, hulpe te gheuen tot bescherminghe
des benauden ende verdruften volckes
der Nederlanden.

Eerst ghedruckt tot Londen by Christoffel Barker
Drucker der Coninghinlicker Ma^{te}.
van Enghelandt.



TOT DELF,
By Aelbrecht Hendrickz. Drucker Ordinaris der
Staten s'lands van Hollandt.

1585.

753
15

EEN VERCLARINGHE
DER OORSAKEN
EVENEGHENDEN DE CONINGHIN

ne van Engelande, hulpe te gheuen tot belcheringhe
ghes des koninkes ende verdunde volcke
der Nederlanden

En ghewilt tot Konink van Engelande
te gheuen tot coninghinnen van
den Engelande



TOT DEEL
By Velbecke Hendrick Drucker Ordinaris der
Staten vander van Hollanden

VER
BEV

T

tot een
Ende
seluen
onles
welck
Heer
lijke
staen
berse
ren/
nigh
tot si
daer
se la
wat
nen/
send
daer
sen i

ken
tot
der
ke
crui
de
end
lich

3 VERCLARINGHE DER OORSAKEN BEVVEGHENDE DE CONINGHINNE VAN

Enghelandt, hulpe te gheuen tot bescherminghe des
benauden ende verdruften volckes
der Nederlanden.

Ist dat de Coninghen ende opperste Prin-
cen/schuldich zijnde haren schuldighen plicht/alleen-
nelijcken tot den Almachtighen Godt den Coninck
aller Coninghe/zijn in dat respect niet schuldich re-
kenschap oft redene te gheuen harer actien oft daden
tot eenighe andere dan tot Godt haren eenighen oppersten Heere:
Ende dat onder de alderoutsten ende Christelijcke Monarchen/den
seluen Heere Godt ons heeft beuolen den oppersten regiment deser
onser Coninckrijck van Enghelandt/ende andere onser Dominien/
welcke wy gantschelijck houden vanden seluighen Almachtighen
Heere/ende soo derhaluen schuldich zijn rekenschap te geuen/alleen-
lijcken tot zijn Godlijcke Majesteit: Nochtans zijn wy niet tegen-
staende dese onse prerogative nu ter tijt in sonderheyt beweeght/om
verschepden redenen wille/hier achter cortelijcken verhaelt/te vercla-
ren/niet alleenlijcken tot onse eyghenen/natuerlijcke/beminde/onder-
nighe/maer insghelijck tot alle andere onse ghebueren/in sonderheyt
tot sulcke Princen ende Staten als zijn onse bondtghenooten/oft die
daer hebben om hare onderdanen/oorlsake van handelinghe/met on-
se landen ende volcken/wat onse meyninghe is nu ter tijdt/ende op
wat rechte ende redelijcken gronde wy werden beweecht hulpe te ge-
uen/tot onsen nabueren dat natuerlick volck der Nederlanden/wes-
sende door langhe crijghen ende persecutie der vreemde Narien al-
daer jammerlijcken benaut ende in present dangier ghebrocht te wes-
sen in ewighe dienstbaerheyt.

Opperste
Coninghen
en Princen
moeten al-
leenlickē
rekenschap
gheuen van
hare Actie
oft daden
tot den Al-
machtighen
Godt, Con-
inck der
Coningen.

Ten eersten is te verstaen (welckes moghelicken is niet claerlijc-
ken bekent tot een groot ghetal van persoonen) dat daer is gheweest
tot allen tijden: Ja door die natuerlijcke ghelegentheyt van dese Ne-
derlanden/ende onsen Coninckrijck van Enghelandt/een directelic-
ke oppositie/des een totten anderen/ende wt oorlsake vande ghereede
crupcinge der Zee/ende menichte van breede ende gerickliche Hauen/
deen teghen dander ouer aen beyde zijden/een gheduerighe trafficke
ende handelinghe tusschen het volck van Engelandt/ende dat natuer-
lick volck van dese Nederlanden/ende so langheduerighe in alle ou-
der tijden

Natuerlic-
ke oorlsakē
vā de oude
gheconti-
nueerde
trafficke
tusschē het
volc van
Engelandt,
ende die vā
de Neder-
landen.

Confederatien beyde tusschende Coninghen van Engeland, ende de Heeren der Nederlanden, ende insgelix vā de subiectē van beyde de landen.

Het volc van beyde landen verbondē door speciale obligatien on veranderlic tot gemeen faueur ende vrient schap.

Tractaten extant oft, in wesen vā oude tijden, tusschē de Coningē van En-

de tijden/doen de particuliere Provincien daer af / als Vlaenderen / Hollandt ende Zeelandt / ende andere landen hen toeghebaen / waren gheregert ende gheposseedeert van particuliere Heere / ende niet bereenighet te samen / ghelijckse in corte Jaren hebben gheweest / dooz diuersche houwelicken / ende ten laetsten dooz concurrentien van menighe ende sonderlinghe Tijtlen hebben also ghebrocht geweest / te wesen onder het gouernement van haren Heeren / welke succedeerden tot het Hertoochdom van Bourgondien / waer dooz hebbē daer gheweest in voorszeden tijden menige sonderlicke aliancien ende confederatien / niet alleenlicken tusschen de Coningen van Engelandt / onse voorszaderen / en de Heeren vande voorszede landen van Vlaenderen / Hollandt Zeelandt / ende hare adherentē : Maer insghelijcx tusschen de ware natuerlicke onderbanen van beyde landen / als de Prelaten / Edelmannen / Burgheren / ende andere ghemeenten der groote steden / ende zee steden van elcken lande tsamen dooz sonderlicke obligatien ende stipulatien onder hare zeghelen / deen totten anderen / om die onderhoudinge / beyde der handelinge / ende intercourss van Coopliden / ende insghelijcx van sonderlicke ghemeene vrient schap onderhouden te wesen / tusschen het volc ende inwoonders van beyde partijen / also wel Gheestelicke als tijtelicken : ende seer expresse pmissie in sulcke handel begrepen / om de ghemeene gunsten / affectien / ende alle andere vrientelicke officien ghebruyck te wesen / ende onderhouden dooz het volck vande eene Natie tot de andere. Dooz welke gemeene verbonden daer heeft ghecontinueret een ewighe eenicheyt des volcx herten tsamen / ende so dooz middel van gheduerighe intercoursen / van tijden tot tijden / die seluighe ghemeene liefde / heeft onghebroken gehouden en geerterseert geweest / ghelijck het gheweest is dooz het werck der natueren / ende en was noyt ten wtersten ghebroken / noch oock vooz eenigen langhen tijt naghelaten / hoe wel de Coninghen / ende de Heeren van dien landen sommighe tijden (doch seer selden) hebben gheweest in differentie dooz sinistren middelen vā sommighe ander Princen harer Nabueren / benijndende de voorszpoet deser twee lantschappen.

Ende tot onderhoudinge ende gheruygenisse van dese natuerlicke eenicheyden des volckes van desen Coninckrijcke en landen in ewighe vrient schap daer zijn in wese sonderlicke autentijcke Tractatē / en vooz de langduerighe te samen handelinge / intercourss en strach te vrient schap van oude tijden : als vooz exempel / sommighe seer solemnelicken gheacordeert ten tijden van Coninck Hendryck de seste / onsen voorszader / ende Phillippus den tweden Hertoghe van Bourgondien / ende erfghename der Graefschap van Vlaenderen dooz de vrouwe

de vrouwe Margarite zijn grootmoeder/welckes is bouen hondert ghelant, en
 ende veertich jaren ghepasseert / ende het selue alsoo vernieut door de Hertogē
 den Edelen Hertoghe Carolus zijn Sone vader banden Coninck van Bour-
 van Spagnien Grootmoeder ende getrouw man tot vrouwe Mar- gondien,
 garite suster van onsen groot groot-vader Coninck Edward den om de ghe-
 vierden: Ende daer na nieuwelicken menichmael vernieuwet door meene han-
 onsen alder Edelsten ende wijsesten Grootvader Coninck Hendrick del tusschē
 den seuensten / ende der Aertl-hertoge Phillippus Grootvader van hare landē.
 den Coninck van Spagnien nu zijnde: Ende in cozte tijden / me-
 nichmael vernieuwet tusschen onsen vader van Edelder ghedachte-
 nisse Coninc Hendrick den achtsten / ende Carolus den vyfden Key-
 ser van Duytschlandt/vader insghelijcx van den teghenwoordighen
 Coninck van Spagnien.

In alle welcke tractaten/ende confederatien van vrientchap / en-
 de ghemeeen tsamen-handel/het was also tot allen tijden specialicken
 begrepen in wtghedruckte woorden / door conuentien / oft tsamen-
 comingen/accorzen ende conclusien/dat het natuerlick volck ende
 onderdanen van yder syde, soude toonen ghemeeen faueur ende schul-
 dige plicht t'reen totten anderen/ende souden behoudelicken/ bypelic-
 ken / ende sekerlicken tsamen handelen in elcken van haren landen/
 ende so heeft dat ghemeeen ende natuerlick concours / oft tsamen-
 loop ende tsamen handel/sonder eenige interruptie oft tusschenbre-
 kinghe ghecontinuert gheweest der ghelijcke menighe tijden/verre
 bouen exempel van eenige andere landen in Christenheyt / ter eeren
 ende sterckte der Princen/ende tot het sonderlike weldaet / ende rijc-
 makinghe van haren volcke/ tot in cozte jaren dat den Coninck van
 Spagnien/gaende wt zijn Nederlanden in Spagnien / is gheweest
 (ghelijckmen dencken mach) geraden door zijnen Spaenschen raet/
 Spagnier den te appointeren/ welanders ende vzeemde/van vzeem
 bloedt/mannen meer geexerceert in crijch/dan in vzeedlame gouer-
 nement/ende sommighe van hen wtnemelicken genegen tot bloedt/
 ghelijcket ghebleken heeft door hare actien oft daden) te wesen opper-
 ste Gouverneurs van alle zijne voorszede Nederlanden/teghende ou-
 de wetten ende costumpen daer af. Hebbende groote menichte van
 Edelen, vroomen/en ghetrouwe perloonen natuerlicken ghebozen/
 en sulcke als den Keyser Carolus ende de Coninck selue/ hebben tot
 haerder grooter eeren ghebyrcht in haren dienste bequaem zijnde
 ghebyrcht te hebben geweest in het regiment van de landē. Maer de
 Spagniaerden zijnde gantschelicken vzeet, hebben geen natuerliche
 aensien in hare gouernemente / tot de onderhoudinge van die landen
 ende volcken / in hare oude ende natuereliche maniere van vrede-

Conuentie
 oft contra-
 sten om de
 subiecten
 van beyde
 syde te tho-
 nē gēmene
 faueur deē
 totten an-
 dereu.

Spagniardē
 end vrem-
 de cortelic,
 geapoin-
 teert
 gouerneers
 te zijn inde
 Nederlanden
 om te
 schendē de
 vrijheyden
 der landen.

De destru-
ctie oft ver-
deruinghe
van den E-
deldom, en
het volcker
Nederlan-
de door het
Spagnische
gouerne-
ment.

Dat Clage-
lijke vio-
lente doot
des Graues
van Egmond,
de glorie
van die lan-
den.

De rijke
steden ende
stercke met
hare rijke-
do, geposse-
deert door
de Spagi-
en.

lickeleninghe/ gelijck de alder Edelste ende wijste Keyser Carolus dede/ Ja/ ghelijck zijn sone Coninck Philips selue hadde/ dewijle hy bleef in die landen / ende ghebruyckte den raedt der Staten / ende de natuerlicken des landts / niet biolerende de oude vryheyden der landen. Maer contrarie-wijse / de Spagniaerden zijnde verheuen tot absolute gouvernement door eerghtericheyt / ende om particuliere ghewin/ hebben gheweldichlicken ghebroken de oude wetten ende vryheyden der gantsche landen / ende op een tyrannische maniere hebbense ghebannen/ghedoodet / ende ghedestruert / sonder orden van recht binnen den tijt van wepnighe maenden / meeninghe vande alderousten ende principaleste personen des natuerlickien Edeldoms/ welke waren alderweerdichste des gouvernement. Ende hoe dat in het beghinsel van dese wreede vervolginghe de presentie daer van was de onderhoudinge der Roomsche Religie/ noch tans sy spaerden niet af te setten seer veel Catholicken ende Kerckelicke personen van hare vryheyden ende priuilegien: Ende vande booyneemsten die geerecuteert waren vanden Edeldom / gheen en wasser int gantsche lant/meer genegen tot dat Religie/dan den Edelen ende vromen Graue van Egmont was / de eenige glorie van dat landt/ de welke noch om zijn singuliere victorien inden dienst des Conincks van Spagnien/ can vergheten werden inde warachtighe Historien/ noch oock om de wreedtheidt ghebruyckt om zijn verderuinghe / maer moet wesen eewichlick beclaecht/inde herten des natuerlickien volck van dat landt. Ende voorder/ om te brenghen dese gheheele landen onder de Spaensche dienstbaerheyt/ dese wtlandtsche Gouverneurē/ hebben door langhe inwendige krijghen/ niet menichte van Spagniaerden/ ende met sommighe oft wepnighe Italiaenen/ ende Hoochduytschen/ ghemaect den meestendeel vande boozlepde landen/ welke met hare rijckdommen door gemeyn exestimatie/ waren weert den Keyser Carolus/ ghelijckelick met zijn Indien) in een maniere desolaet/ ende hebben also dat clachelic is verdozen door den sweerde/hongernoodt/ en andere wreede manierē van doot: eenen grooten deel des natuerlickien volcks/ ende nu de rijke steden/ ende stercke plaetsen zijnde berooft van hare natuerlycke Inwoonders/ werden ghehouden principaelken met forse door de Spagniaerden. Ende welke clagelike ellendigheden / en schriclicheden van dese alderrijckste landen ende volcke/ werden door alle hare nabueren op desen dach/ Ja van sulcke als inboozleden tijde hebben geweest in geduerigē twist met hen/ door natuerlicke compassie seer grootelick beclaecht/ welches is ghebleken in sonderheyt dese tegenwoordigen Jare/ doen de Coninck van Francrijcke pretenteerde hen te ont-

ze ontfanghen onder zijn protectie oft bescherminghe/ hadde niet ge-
 weest (ghelijck de Staten des landts/ ende haer ghedeputeerden ver-
 antwoordt waren) dat seckere ontpdelicke ende onberwachte com-
 plooten des hups van Guple / opghestelt ende onderhouden door
 ghelt wt Spagnien / verstoort den goeden ende generalen paps van
 Brancrijcke / ende daer door den Coninck bedwonghen hem tont-
 slaen vande resolutie die hy ghemaect hadde/ niet alleenlichen te hel-
 pen dat verdruete volck des Nederlandts teghen de Spagniaerden/
 maer insghelijcx hen aengenomen te hebben als zijn eyghē onderla-
 ten. Maer in rechte waerheyt/ hoe dat sy waren beclaeght / ende op
 een maniere booz eenen tijdt vertroostet ende in hoope ghehouden in
 Brancrijck/ door den Coninck van Brancrijcke/ welke insgelijcx
 heeft menich tyden ons ghesolliciteert als Coninginne van Enghe-
 landt/ beyde door boden ende schriften sozchundich te wesen ouer ha-
 re deffentie: Nochtans in respect datse waren andersins stercker ge-
 knopt inde oude vrientchap tot desen Conickrijcke dan tot eenighe
 ander lant/ wy zijn verseeckert datse niet kondē wesen meer beclaecht
 van yemanden booz desen langhen tydt / met meerdere oorlake ende
 generale swaricheyt / dan van onse subjecten van desen Coninckrijc-
 ke van Engelandt/ wesende hare alder-ontste bondtghenooten/ en-
 de familiare gebueren/ ende dat in sulcker maniere/ als dat desen Co-
 ninckrijcke van Engelandt/ ende die landen/ hebben gheweest van
 ouerlanghe tijden/ door ghemeen sprake/ vergheleeken en ghetemit/
 ghelijck man en wijf. Ende om dese oorlake ende meer andere / heb-
 ben wy door menighe vriendelicke bootschappen ende Ambassaden/
 door meenige brieuen ende schriften / tot den boozsejden Coninc van
 Spagnien onsen broeder ende gheallieerden / verclaert onse medelp-
 den/ ouer so gnade ende wreeden ghebruycck van zijn natuerlicke en-
 de ghetrouwe volcke/ door sekere zijnder Martiaelsche oft cryghsche
 Gouverneurs/ ende andere zijnder Crijghsmanuen/ alie vrende van
 desen lande. Ende boozder/ ghelijck een goede liene suster tot hem/ en
 een natuerlicke ghebuerinne tot zijn Neder-landen ende volcken/
 wy hebben dicwils ende menichmael wederomme hem seer vriende-
 lick ghewaerschuwet/ so dat hy niet anders (door zijn wijsheyt ende
 Princelicke ootmordicheyt) en wederstont de tyrannie zijnder Gou-
 verneuren/ ende de wreetheydt zijnder Crijghsknechten/ wy breeiden
 dat het volck van zijn landen/ soudē ghefortseert werden (om de be-
 houdinghe haers leuens/ ende om de continuatie van hare natuerlic-
 ke landen / in haren eersten staet van harer bypheyden te houden te
 soecken de protectie van eenighe andere wtlandtsche Heeren/ oft veel
 eer te gheuen henselen gantschelick onder de souuereniteyt van
 eenighe

Den Fran-
 schen Co-
 ninc ghol-
 pente heb-
 ben, ende
 ontfangen
 onder zijn
 subiecten,
 het verdru-
 te volc der
 Nederlan-
 den.

De Conin-
 ghinne va
 Engelandt
 continueert
 vriendelic
 te aduisee-
 ren den Co-
 ninck van
 Spagnien
 om achter
 te houden
 de tyranni-
 e van zijn ge-
 uerneuren

eenighe machtighen Prince / ghelijck door de oude rechten van hare landen / ende door speciale priuilegien ghegunt door sommighe van hare Heeren / ende Hertoghen van hare landen tot het volck / sy presentende ende affirmeeren / dat in sulcke saken van generale ongherechtigheyt / ende om sulcke gheweldighe breeckinghe van hare priuilegien / sy zijn wy van haren schuldighen plicht / ende in vypheden verkiepinghe te maken van eenighen anderen Prince / om hare Prince ende hooft te wesen. De proewe waer af / door exempel en voorleden / mach ghesien ende ghelesen worden / in de oude Historien van diuersche veranderinghe van de Heeren ende Vrouwen van de landen van Brabant / Vlaenderen / Hollandt ende Zeelant / ende andere landen met hen vereenighet / door de Staten ende volck van de landen. Ende dat door sommighe sulcke alteratien oft veranderinghen / ghelijck de Historien ghetuyghen / Philipus den Hertoghe van Bourgondien quam tot zijnen titel / van de welcke des Conincks van Spagniens inrest is ghecomen : Maer de breeder verclaringe daer van / laten wy tot het aensien der monumenten / ende boecken van gedachtenisse der landen. Ende nu tot den propooste / om hen te honden / van hen te begheuen hen seluen na eenige sulcke maniere onder de souerenniteyt van eenighe andere vreemde Princen / seckeren jaren gheleden / op een ernstighe requeste van sonderlijke van de grootste personen van state in dien landen / ende alder gehoorzaamste subiecten tot den Coninck / sulcke als waren den Hertoghe van Arschot / en den Marquis D'Hauere / noch leuende / ende van sulcken anderen / als hadden de principaelste officien in die landen / ten tijden van den Keyser Carolus / wy accordeerden tot haren importunaten ende gheuerighe requesten hen ghelt te leenen / alleenlicken te continueren als zijn subiecten / ende hen seluen te onderhouden in hare rechte differentie teghen het ghewelt / ende wreedicheyt der Spagniaerden hare verdruckers / daer door oock hen houdende van hen te begeuen onder de subiectie van eenighe andere Princen / ende te gaen vanden voorszeden Coninck van Spagnien : ende duerende de tijt van die onse hulpe tot hen ghegheuen / ende sy blijuende in hare gehoorzaamheyt des Conincks van Spagnien / wy gauen bypelicken te nemen onse actien tot den seluen Coninck gheduerlichlick ende continueerden wy onse vriendelike aduysen tot hem / om hem te beweghen / te ghebeden zijn Gouerneuren ende Eriighs volck / niet te gebuycken sulcke insolente wreetheden teghen zijn volck / welcke mochten hen maken te deseperen van zijn faueur / en soecken eenighen ander Heere. Ende in deser maniere van persuasien / ende actien wy continueerden menighe jaren / niet alleennelicken wt compassie vanden elendighen

Die Conin
ghinne van
Enghelants
middelen
ghebruyct
om te hou
de de staten
van de Ne
derlanden
aen niet te
begeuen in
subiectie
onder eeni
ghe andere
vreemde
Prince.

lenbighen staet der landen / maer wt een naetuerliche dispositie / om
te hebben de oude conditien van de vrientſchap ende handel voor
onsen Coninckrijcke / ende volcken te continueeren met de Staten /
ende het volck des voorszeyden Hertoghdom van Bourgondien / en
de zyn aenhanghers / ende namelicken met onsen naebuieren de lan
den van Vlaenderen / Hollandt ende Zeelandt: Want wy openbaer
lick saghen / dat soo de Spaensche natie soude maken een conquelte
van dese landen / ghelijck daer was / ende noch is apparentelicken
voorzghenomen / ende planten hem seluen aldaer ghelijck hi ghedaen
hebbē in Napels en andere landē / Daer toe doede de laetste exempe
le / vā dat geweldige vbandische voornemē van een Spaelsche machte
ghelonden zijnde binnen dese weynighe Jaren / door den Coninck
van Spaengnen ende den Paus in onsen Coninckrijcke van It
landt / met een voornemen claerlicken beleden van de Capiteynen al
daer ghevanghen / dat dat ghetal was daer voor ghelonden / om al
daer eenighe sterckte op te maken / met intentie van andere grooter
fortsen een conquelte nae te volghen daer mede. Wy saghen weder
omme claerlijcken in wat dangier wy ons seluen / segghen wy onse
landen ende volcken mochten roytelicken wesen / so wy in bequamen
rijdt / niet spoedelicken andersins toe en sagen het seluen voor te com
men ende verhinderen. Ende noch niet teghenstaende onse voorszey
den menichfuldighere requesten ende aduertissementen ghegeuen tot
den Coninck van Spagnien openbaerlicken om zyn eyghen wel
baert ende ere / wy bonden hem door zynen Spaenschen raedt soo
onghetwillich in eenigher maniere toe te voeghen tot onsen vrient
licken raedt / dat zyn Gonerneuren ende Capiteynen in zyn Neder
landen vermeerderden hare wycedshepden teghen zyne eyghen be
nauwede ghemeente / en zyn Officieren in Spaengnen betoonden
daghelick grooter inturien tot den onsen die daer quamen om traf
fiche. Jae die van zynen Raedt in Spagnien / wilden niet toela
ten onse expresse Bode met onse brieuen te comen tot des Coninck
hare meesters presentie : een sake seer vzeemt / ende teghen de wetten
van allen Narien.

Ende de oorsaecke van dese onse schrijuinghe ende sendinghe tot
den Coninck / procedeerde wt oorsaecke welcke was weerdich den
Coninck bekent te sene / ende niet onbequaem nu insghelijcks ver
claert te sene tot der wereldd / om te toonen / beyde onse goede disposi
tie tot den Coninck / in hem bekent te maken onse swaerichēde / ende
te laten weten hoe qualick wy ghehandelt hebben geweest door zyn
Ministers / ghelijck eensdeels mach ghesien worden door het ghene

De enter
prijse der
Spagniarde
in Irland,
ghelonden
vande Co
ninc van
Spagnien
ende den
Paus.

De weyge
ringhe der
Coninghin
ne messagie
ren, ende
heure brie
uen torden
Coninc vā
Spagnien
De rechte
oorlaken
vāde wech
sendinghe
vā Bernar
din de Mē
doza vvt
Engelant.

dat hier volghet. Al is het dat wy niet konden hebben dese menighe
 Jaren gheleden eenighe van onse dienaren / welke wy ghesonden
 hebben tot verscheyden tijden als onse Ambassadeuren totte Coninc
 onsen goeden v:oder/ghelijck het betaemde/ geleden werden aldaer
 te continueeren sonder meenighe iniurien en onweerdicheden ghe-
 toont te zijne tot haer eyghen persoonen / doo: de grootsten vā zijnen
 raedt/so datse bedwonghen waren hare plaetsen te verlaten/ en som-
 mige wt gedreuen/ ende op een maniere wt het landt gebannen/son-
 der eenighe oor:ake van hen ghegheuen/oft ons te kennen te gheuen:
 Ende noch / wy denckende te continueeren seer goede v:riendtschap
 met den Coninck/ghelijck zijn goede sultere/ hebben van ouerlange
 tijden/ende meenighe Jaren/ gunstich onderhoudt gegenen/ tot alle
 die daer quamen/ als zijnen Ambassadeuren tot ons / wtghenomen
 allēenelicken / op claerlijcke dangereuse practyken/ voorghenomen
 doo: twee van hen/ om onsen staet te verstooren/waer af den een was
 Girard Vespēs/ een seer verwerde persooone vā geeste/ende gantsche-
 licken oneruaren ende onbequaem te handelen in Princelicke saken/
 die in v:riendtschap zijn/ghelijck in zijn wederkeeren in Spaegniē/
 hy aldaer soo gheacht wierd: Den anderen/ende de laetste was Ber-
 nardin de Mendoza / eenen de welcke was van ons aenghenomen/
 ende getracteert met groote faueur eenen langhen tijdt/gelijck open-
 baerlijcken wierd gesien in onse Hoff/ het welcke hy selue niet en sou-
 de connen loochenen/ maer nochtans sint w:ynighe Jaren (wy we-
 ten niet doo: wiens directie oft bestellinghe) wy hebben hem ghe-
 vonden te wesen een secreten grooten fauouereerder van seker onse
 quade ghedisponerde ende seditieuse subiectten/ niet alleenelicken
 tot sulcke als bespien in onsen Rijkke / maer insghelijck tot sulcke die
 den seluen lieden/wesende openbaerlijcken gecondemneert als open-
 baere Rebellen ende verraderen / met welcken doo: zijn b:rieuen/
 bootschappen ende secrete raedtslagghen / hy ten laetsten socht listent
 hoemen met een macht van mannen eensdeels connen soude wt
 Spagnien/ eensdeels wt de Nederlanden / waer af hy hen grooten
 troost gaf in des Conincks name/ dat een inneminge oft overballin-
 ghe mochte ghedaen werden in onsen Rijkke/ in geschreft stellende/
 de maniere hoe het selue soude ghedaen werden/ met wat getal van
 mannen ende schepen/ende aen welke kanten? haenen ende plaet-
 sen van onsen Rijkke hy speciael namte/ ende hoe dat de persoonen
 souden wesen van gheen cleyne achtinge in onsen Rijkke die fauor-
 seeren souden dese inballinge/ende nemen de partte vande inballers/
 met

met menighe andere circumstantien/ verclarende zijnen vollen opgeset-
 ten boornemen ende arbeydt ghenomen/ te verstoozen ons / ende
 onsen Rijke seer dancgereutelicken / ghelijck alderclaerst bewesen is
 gheweest / ende beleden dooz sulcke als waren in die conspiratie met
 hem/ waer af de sommige zijn ghebloden / ende nu frequenteeren in
 zijn gheselschap in Brancrijcke / ende sommighe wierden ghevan-
 ghen / de welcke beleden ten laetste in schrifte den gantschen handel
 hier in ghehouden dooz den boorseyden Ambassadeur / ghelijck claer-
 lick ouer weynich tijt gheopenbaert was der werelt dooz de exami-
 natie van Franciscus Throgmorton's eē bande principale verraders.
 Ende doen wy openlicken vonden desen Ambassadeur so sozghelick
 een instrument / oft veel eer een Hoofd tot een rebellicheydt ende in-
 ballinghe / ende dat hy binnen een Jaer oft meer tsamen hy noyt en
 brochte tot ons eenighen brief vanden Coninck synen meester / niet
 teghenstaende onse menighfuldighs requesten hem ghedaen / dat
 hy soude willen dooz eenighen brief vanden Coninck tot ons laten
 sien / dat het was des Conincks wille / dat hy handelen soude met
 ons in zijns meesters name / in bysondere dingen dien hy ons voor-
 stelde als zijn Ambassadeur / welcke wy oordeelden contrarie te we-
 sen des Conincks zijns meesters wille / wy eyndelinghe merckende
 hem belast te zijne met dese sozgelicken practijcke / ende gauen hem
 te kennen hoe ende dooz wien met veel andere circonstantien wy dat
 wisten / ende daeromme veroorsaecten hem in seer vriendelicke ma-
 niere te vreden te zijne binnen eenen sekeren redelicken tijdt / te schep-
 den wt onsen Rijke / te lieuer om zijnder sekerheyt / als eenen die in
 rechter waerheyt ter doot gehatet was van onsen volcke: waer booz
 wy actordeerden hem een fauorabel gheleydt / beyde totter Zee / ende
 ouer de Zee: Ende daerop sonden wy terstont een van onse dienaren
 in Spagnien met onse brieuen totten Coninc / alleenelicken om hem
 te certificeren vā desen accident / ende te maken de gantsche sake booz
 hem bekend: Ende desen was den bode boorsept / den welcken mocht
 te niet ghedoocht werden / onse boodtschap / oft onse brieuen den Co-
 ninck selue te leueren.

Ende bouen dese ontweerdicheden / het is alderclaerst / hoe zijn
 Ministers hebben menichmael beyde hier boorzijds / ende nu laet-
 stelick / ghepractiseert hier in Enghelandt / dooz middel van somm-
 ghe rebellen / te hebben te passe ghebrocht sekere inneminghe van de-
 sen Rijke / met hare forsten wt Spagnien / ende wt de Nederlanden /
 seer harde recompensien (moghen wy segghen) booz soo veel onser
 B ij gorde

Bernardin
 Mendoza
 fauorabeli-
 gelicēciert
 te scheyden
 wt den Co-
 nincrijcke

goede diensten. Hierop verhoopen wy/ gheen rebelijcke personen
 en konnen ons blameren / soo wy voorsz. ghenomen hebben / te verant-
 deren desen onsen voorsz. gaenden loop / ende sozghfuldigher toe te sien
 tot de sekerheyt van onsen seluen / ende van onsen volcke : ende bin-
 dende onse eyghen dangieren in waerheyt zeer groot ende perijcke-
 leur / wy hebben gheweest te meer beweeght aentenemen / ende te
 spoedighen eenighe goede remedie/ want bouen dien/ dat veel andere
 aduertissementen ons ghegheuen zijn / beyde thys/ ende wijdt en
 breedt/ in behoorlijcken tijdt te wederstaen desen dangier / wy heb-
 ben ghebonden de generale dispositie van alle onse ghetrouwen volc-
 ke / seer ghereedt in deser sake / ende ernstighen in ons aen te bieden
 beyde int Parlement ende andersins/ haren dienst met lijf ende bloet/
 ende hare hulpe niet lant ende goet te wederstaen/ ende voorsz. te comen
 desen teghenwoordigen gemeynen dangier tot onsen Rijke/ en hen-
 seluen euidentelijcken ghesien ende gebreest door de verderuinghe en
 wtroetinghe van dese oude natie deser Nederlanden/ en door de plan-
 tinghe der Spaensche natie/ ende crijchvolck/ byanden tot onse lan-
 den/ aldaer so na ons. Ende beneuens dese occasien ende consideratis-
 en/ wy brochten insghelycks tot onser ghedachtenisse/ onse voorsz. leden
 fortunatijche voortganck/ door Godes sonderlijck faueur/ in het be-
 ghinsel van onsen Rijke/ in het remedieren van derghelijcke onghel-
 luck/ welke was voorsz. ghenomen teghen ons in Schotlande/ door se-
 kere Fransosen/ die als doen waren wegemaeckt alleenlijcken door
 het hups van Gupse / onder het colour van het heuvelick haerder
 Richte de Schotse Coninghinne/ met den Dolphijn van Brack-
 rijcke / op sulcker maniere ghelijck de wtspruyten van het voorsz.
 hups hebben/ recht nu cortelinghe ghesocht te comen tot derghelijc-
 ke onordentlijcke machte in Brackrijcke : Een sake van eenighe
 consequentie voorsz. onsen selues te considereren. Hoewel wy hoepen
 dat den Coninck onsen goeden broeder/ toedragende oprechte vrient-
 schap tot ons/ ghelijck wy toedraghen dierghelijcke tot hem/ sal mo-
 dereren dese gapende grootheyde van dat hups / dat noch hy selue/
 noch de Princen van zijn bloet meer gheregiert werden / noch wy
 (meynende te continueren perfecte vrientchap met den Coninck en-
 de zijn bloet) sullen zijn door het voorsz. hups van Gupse/ ende ha-
 re factien ongherustet oft verstoort in onse landen. Maer nu om we-
 der te keeren tot desen dierghelijcke exempelen voorsz. in Schotlande.
 Doen de Fransosen op sulcker wijse/ gelijck de Spagniarden heb-
 ben nu ouer langhe tijdt voorsz. ghenomen inde Nederlanden/ sochten
 by force het volck aldaer te hebben tonderghebrocht/ ende hen ghe-
 broche

der Conin
 inne van
 ingelands
 rocederin
 he, om de
 erlossinge
 a Scotladr
 t de diest-
 aerheydt,
 aerinne
 et huys vā
 uys meē
 er te brin-
 ben.

brocht in een dienstbaerheyt onder de Croone van Franckrijcke/ende
 alsoo door de eerghierighe begheerten van dat voorsz. hups van
 Guple te hebben gheprocedeert tot eenen erijch door den wech van
 Schotland/om de conqueste van onse Croone/ door hare Nichte de
 Schotsche Coninghinne (een sake seer openbaer tot der ghemeyne
 kennisse der werelt:/ Het behaechde den Almachtighen Gode/ gelijck
 het blijft in goeder ghedachtenisse / tot onser eere ende troost / te ver-
 borderen onse intentie/ ende eerlijcke ende rechte daden doen ter tijde
 in sulcke soyte/ als dat door onse hulpe als doe tot de Schotsche natie/
 wesende seer verdruct met de Fransosen/ en alghelijckelijck versoe-
 ckde onse hulpe/ wy procureerde aē dat Rijke hoewel tot onse groo-
 te cost) een volle verlossinge vande macht der vrendē/ en dangier der
 dienstbaerheyt/ en restaureerde de vrede in het gantsche lant / welcke
 hadde daer geduert menighe jaren/ wtghenomen dat sommighe tij-
 den/ door partialicheden van sommighe des Eeldonis/ ghelijck het
 ghebruycklijcken is gheweest in dat landt / inde minoriteyt des ion-
 ghen Conincks/ daer reesen sommighe inwendighe beroerten/ wel-
 ke woorden meesten deel wy hebben in faueur vanden Coninck en-
 de zijn Gouverneuren ghebruyct middelen om te stillen/ so dat op de-
 sen dach/ sulcke is de ruste in Schotland/ als dat de Coninc onsen lie-
 uen broeder en cozijn/ by namē Jacob den lesten/ een Prince vā groo-
 te hope om meenigherley goede Princelijcke respecten/ daer regiert
 in eere ende liefde zijns volcks / ende in seer goet ende volcommen
 vrientdenschap met ons/ ende onse landt. Ende soo onse daden doen ter
 tijdt quamen tot so goeden verbolch/ door de goerdicheyt Godes / als
 dat beyde/ onsen eyghen Coninckrijcke / ende die van Schotland
 zijn opt sint dier tijdt ghebleue in beter vrientdenschap ende vrede dan
 men can indachtich wesen dese menighe hondert Jaren te vooren /
 ende nochtans is hier door niet ghedaen door ons/ noch eenige rechte
 oorsake ghegheuen / oft de Fransche Coninghen die sins ghesucce-
 deert hebben / welcke hebben geweest dype in ghetal / ende alle broe-
 deren/ hebben ghemaect en bestort diuersche handels om goede vze-
 de met ons te houden / welcke teghenwoordelicken continueert in
 sterckheyt aen beyde ziden/ niet teghenstaende onse voorsz. daden
 aenghenomen om de verdringhe der voorsz. Fransche forsen wt
 Schotland/ daer soo ouerghebrocht door de eenighe beleydinghe
 des hups van Guple.

Ende daerom te concluderen/ aengaende de declaratie onser tegen-
 woordiger meyninge door deser tijt/ wy verhoppen dat het sal van alle
 personen wijs ende breedt wel verstaen werden / ghelijck wy weten

B iij

dattet

Het Rijke
 van Schot-
 land ghere-
 restaureert
 tot de oude
 vryheyden
 ende is so-
 gheposse-
 deert door
 den tegen-
 woordigen
 Coninc,
 door de ee-
 nighe mid-
 del der Co-
 ninghinne
 van Lugh-
 landt.

De conclu-
 sie der oot-
 saken der
 sendinge.

ekere com
pagnien vā
Enghelsche
rijch-
knechten,
tot de de-
fentie des
gheopres-
eerde volc
der Neder-
landē, ende
te vveder-
staen de aē-
slaghen te-
ghen desen
Conincric
ke.

Engelsche
macht al-
cennelick
ghesonden
tot bescher-
minghe.

dattet verstaen wesen sal van alle sulcke die niet gheleydt zijn door bitterhepdt / dat wy op de meeninghe ende gheduerighe claeghelicke requesten tot ons ghedaen door de alghemeene Staten der landen van Hollandt / Zeelandt / Ghelderlandt / ende andere Provincien met hen vereenighet / (wesende desperaet van des Conincks van Spaēgnens faueur / om onse bystanc tot hen ghedaen te werden / alleene-licken om hare deffentie teghen de Spaengniarden ende anderen vyeinden / Ende daermede vindende manifestelicken / door onse oncallicke ende importunatelicke requesten ende aduilsen den Coninck van Spagnien ghegheuen gheen hoope van verlossinghe van deser harer ellendicheyden. Maer veel eer een vermeerderinghe daer van / door daghelicrche inneminghe haerder stedē / ende doodinghe haers volcx. (Hoewel in rechter waerheyt / wy en konnen niet toerekenen het toenemen van eenighe bande laetste wredecheyden / tot de persoonen van hem die nu den tijtel heeft van generael gouverneur / toonende sijn naetuerlicke dispositie meer gheneghen tot ghenade ende goedertierenheyt / dan het schijnt dat hy can regieren de herten der Spagniardē onder hem / welcke hebben soo langhe opghebrocht gheweest in bloetstortinghe onder de voorszeden Spaensche gouverneuren.) Ende daer toedoeende onsen perijckel toecomende / door de ouerballinghe ende verderuinghe onser ghebueren / ende den access ende plantinghe der Spaensche groote machten / so nae onse landen met de voorgaende argumenten van menighe verstoorighe aenslaghen teghen onsen Coninckricke: Wy daeromme nae goede aduils / ende nae langhe deliberatie beslooten / te senden sekere compagnien krijgsknechten ter hulpe des natuerlickē volcke van die landen / alleene-licken te beschermen / hen ende hare steden van roovinghe ende verderuinghe / ende daer door hen te besorghen behoudenis / ter eeren Godes / wiens sy begheren oprechtelicken te dienen / als Christelick volck na sijn woort / ende te besitten hare oude vrijheyden / voor hen ende hare naecomelinghen / Ende soo verbolghens te onderhouden ende continuieren de wettelicke ende oude te samen handel tusschen onsen volcken / ende die landen / ende de onse.

Ende alsoo wy vertroutwen onse meeninghe hierinne / ende onse nabolghende daden sullē wesen door Godts hulpe beyde eerlicklick / ende nae der liefde gheinterpreteert oft verstaen werden van alle personen (wtghenomien van de verdruckers selue / ende hare mede deel-ders) daeromme dat wy niet en meenen hier door / het sy door eergie-richeyt oft boosheyt (die twee wortelen van alle ongherechtigheyt) te maken eenighe particuliere profijt hier af tot ons seluen oft tot onsen volcke /

in volcke / alleenelicken begheerende op deser tijdt te vercrifghen
 door Godes hulpe voor de landen / een verloffinghe voor hen van den
 rijgh der Spagnarden ende vzeemdelinghen / met een restitutie
 van hare oude vryheiden ende gouernement door eenighen Coninck-
 icken vrede / ende daer door / een sekerheyt tot ons selue / ende onsen
 Coninckrijcke te bevrijden van innemende nabueren / ende onsen
 volcke te besitten in die landen haren wettelicken te samen handelen
 de intercoure van vrendelchap / ende coopmenichap / nae het oude
 ghebruyck ende handel des intercoure / ghemaecte tusschen onse
 Voorvaderen / ende de Heeren ende Grauen van die landen / ende het
 ghemeen volck.

Ende hoewel dat onse vorder intentie is / oft mach wesen / te ne-
 men in onse bewaerenisse sommige wepnige steden op de Zee-kant /
 naest teghen ouer onsen Coninckrijcke / welcke andersins mochten
 wesen in dangier inghenomen te werden vanden vzeemden / vpan-
 den des landts. Nochtans considerende daerinne / dat wy gheen me-
 ninghe hebben nu ter tijdt de selue te nemen ende te houden tot on-
 sen eyghen ghebruyck / wy hoepen dat alle menschen sullen den-
 ken / het selue te wesen nae goede redene ende Princelicke politie / dat
 wy souden hebben de bewaringhe ende ghebruyck van sommige
 sulcke plaetsen / om sekere toeganck ende wtgack onses volckes ende
 krijghsknechten met sekerheyt / ende om de voorszieninghe der seluen
 met lijfcocht / ende andere behoelucke ende noodighe dinghen / de-
 wyle het sal noodich zijn voor hen / te continueeren in die landen om
 de helpinghe daer af in dese hare groote swaricheyde / ellendicheyden
 en wittersten perijckel / en tot dat de landen mogen verlost wesen van
 sulcke vzeemde fortsen / als die hen nu verdrucken / ende wederomme
 vercrighen haere oude wettelicke vryheiden ende maniere van go-
 uernement om in vrede te leuen / ghelijck sy hier voorszijds ghedaen
 hebben / ende ghelijck sy nu seer ernstelicken in claghelicke maniere
 begheeren te doene: Welcke zijn de rechte / eenighe ende waere eyen-
 den oft oorsaken van alle onse actien nu voorszienomen / hoe oft in
 wat maniere dat boose tonghen hare ghekanckerde voornemen daer
 teghen voorszellen moghen / ghelijcke huydensdaeghs de werelt is
 ouerbloedich met sulcke blasphemieuze lasteringhen in schriften / ende
 schendelicke boeckens / also dat tot gheenen tijde / den Dupuel heeft
 noyt voorszien gheweest met notabelicker ouerbloedigher gheesten /
 vol van alle boosheyt / om wt te spouwen zijn raserpe teghen de pro-
 fessers

Drie sonder
 lichte dingē
 redelicken
 begheert
 vande Co-
 ninghamne
 van Enghe-
 landt.

1 De eynde
 des krijghs
 met de resti-
 tutie der
 Nederlan-
 de tot hare
 oude vry-
 heyden.

2 Sekerheit
 voor inne-
 minghe van
 heur eygen
 Coninc-
 rijcke.

3 Een ver-
 nieuwinghe
 vande ghe-
 meene traf-
 ficke tuss-
 schen de
 landen.

De oorsake
 van het ne-
 men van
 sommige
 steden in
 harer Ma-
 iesteyts be-
 waernisse.

leiders der Christelijcker Religie. Maer daer van laten wy de wrake
 tot God/den onderloeker der herten / verhopende dat hy aenliende
 liende de reynicheit onser herten / sal gunnen eenen goeden boort-
 ganch tot onser intentien / waer door eenen Christelicken brede
 sal volghen tot zijn Godlijcke eere / ende troost van die
 ghene die inder waerheyt de brede lief heb-
 ben/ende soecken met reynic-
 heyt des herten.

EEN

lit
 w
 gh
 S
 on
 w
 ru
 w
 de
 ne
 le
 de
 ne
 in
 te
 P
 u
 he
 lte
 w
 or
 ol
 ge
 re
 de
 bi
 m
 he
 ba
 hi
 or
 u

ake
nde
opt
EEN ADDITIE OFT TOEVOGINGHE
TOT DE DECLARATIE, AENGAEN-
de de lasteringhen vvtghegheuen van
heure Maesteyt.



N

Nat dat wy gheeyndicht hadden onse vercla-
ringhe/ daer quam tot onse hande een boeckhen in Ita-
liaens gheschreuen ende ghepint te Milanen/geintitu-
leert nouo aduiso/toegheschreuen totten Eertzbisschop
van Milanen/inhoudende een rappoort vande inne-
minghe van Antwerpen door den Prince van Parme.
Waer by wy hebben ons seluen gheuonden seer boose-
lick beswaert met twee notabele crpimen/ niet min hatelicken tot der
werelt/ dan seer strydende ende contrarie tot ons eyghen natuerlijcke
gheneghentheyt. Deene met ondancbaerheyt teghen den Coninck van
Spangnien/dwelcke (ghelijck den Autheur seght) saluerde onse leuen in
onse susters tijt/ doen wy rechtelicken door sententie ter doot veroordelt
waren. Vandere dat daer waren sekere personen versocht om ghecor-
rumpeert te zijne met groote beloften/ en dat met onser intelligentie oft
wetenschap (als den ouerdragher daer toe doet in een parenthesis/ met
dese woerden (als men seyde) om des Princes van Parmes leuen wech te
nemen. Ende om beter proeuinghe en contentantie van dese schrikkelicke
leugenen/daer is meer toegeuoecht in het selue boeckhen/ dattet beliefte
den Heere Godt dit te ontdecken/en brenghen twee van die boose perso-
nen ter Justicien. Nu wetende/hoe de menschen sijn boosselick genegen/
in dese veruallen ouderdom der werelt/ beyde te oordeelen/boosselijcken
te spreken en te schryuen/ ende valschelicken en onreuerendelijcken van
Princen:ende wy houdende niet soo costelijcken vooz ons als de conser-
uatie oft bewarenisse onser reputatie en eere te wesen ongeschonden: Wy
hebbent gheuonden seer noodich niet te gedooghen/ twee sulcke schrikke-
licke belastinghen te passeren onder silentie/ op dat door foute van ant-
woorde/het mochte argueren een maniere van schult: En wy dachtē daer-
om/dat/wat daer mochte by ons voortgebracht werde/dat aengaende tot
onser justificatie/mochte bequamelijst toegeuoecht werde tot dese vooz-
gaende declaratie die nu is te publiceren/ om te openbaren vooz de we-
relt/de maniere en gront onser procederinghe in de saken der Nederlan-
den. Ende vooz antwoorde van dat eerste punct/waermede wy werden
beswaert aengaende onse ondancbaerheyt tegē den Coninck van Spag-
nien ghelijck wy seer ghewillichlijcken bekenen dat wy waren seer ghe-
houden in hem ten tijde onser suster welckes wy doen bekenden seer dā-
baerlijcken/en hebben sint dien tijdt ghesocht menighe middelen in sul-
ker maniere ons te quiten/ ghelijck in onse voorgaende declaratie door
onse actien mach blijcken: Soo versaken wy gantschelicken ghelijck de
openbaerste onwaerheyt/dat hy opt was de oorsake van onse leue te sal-
ueren/als een persone door cours van iusticie verwesen ter doot. Want
wy

Wp ons altijts droegen tot onse boozsepde sustere in alle behoorlicke ma-
nieren/ soo dat onse ghetrouwichheit was noyt ghebrocht in questie/ veel
min eenighe sententie van doot gheprononceert tegen ons: sulcke een sa-
ke als in respect vanden ordinarisen loop van procederen / ghelijck dooz
proces in rechte / dooz plaetse van examinatie/ dooz den rechter die pro-
nunceren soude sulcke sententie/ ende andere nootwendige circumstantien
in sulcke saken ghebruyct/ in sonderhepdt teghen een van onse qualiteyt/
ghelijck het anders niet wesen en mochte / oft het hadde publicckelijcken
bekent gheweest / soo eenighe sulcke dinghen hadde in executie ghestelt
gheweest.

Dit dan warachtich zijnde/ wp laten de weerelt oordeelen hoe booselic
ende lasterlick den aetheur van desen boeckhen met ons handelt/ beswa-
rende ons met sulcke een merckelike leugene ende met een foute / welke
bouen alle anderen wp aldermeest haten ende verachten. Ende daerom-
me dooz de openbare onwaerheyt deser belastinghe/ de menschen niet ge-
transpoteert met passien/ connen lichtelicken mercken wat onwaerheyt
is begrepen in de tweede/ dooz welke wp werdē belast te hebben bekend
gheweest met een voorgehenomen aenslach teghen het leuen des boozs.
Prince: Een sake soo eenighe sulcke dinck hadde geweest by ons voorge-
nomen moeste gheprocedeert hebben / het sp wt een mishaghen dat wp
hadden van zijnen persoon / oft dat den voortganck des krijchs in de Ne-
derlanden/ was soo beuolen tot hem als dat gheen andere mochte voort-
gaen met de selue dan hy.

En ten eerste aengaende zijn persoon/ wp en conde noyt weten/ dat hy
heeft tot eenigē tijde/ dooz daet/ oft woode/ eenich dinc gedaē dat moch-
te oprechtelicken in ons voortbrengghen een mishaghen teghen hem/ veel
min eenen haet teghen zijn persoone in soo hooghe een graet oft sake als
te wesen / het sp daer van bekend / oft te consenteren tot het wech nemen
zijns leuens: Bouen dien/ is hy een waeruan wp hebben altijds ghehad
een eerlicke gheuoelen/ in respect van die sonderlike rare qualiteiten die
wp altijts hebben in hem gheuoteert/ dwelcke hebben tot hem gewonnen
soo groote reputatie / als eenighe man hedensdachs leuende met hem
draecht van zijnen graet ende qualiteyt: en so hebben wp altijt wtghege-
uen met sprake inde weerelt / wanneer eenighe oorsake is gheoffert ghe-
weest van hem mentie te maken.

Nu aengaende het voort varen hem beuolen des krijchs der Nederlan-
den/ ghelijck alle menschen van verstande weten dat het benemen vā zijn
leuen en brenght gheen ghelijckenisse mede / dat sal het een eynde maken
van het boozsepde voortuaren/ soo eest claerlicken bekend/ dat geen men-
schen eerlicher gehandelt heeft dan de boozsepde Prince/ het sp in behoor-
like onderhoudinghe van zijn belofte/ oft wtstreckende vriendelijcheit
ende ghenade/ waer loon en verdienste het selue heeft verhepschet: Ende
daeromme gheen groter ongodlicheit dooz yemandt conde ghewocht
zijn/ noch gheen dinck meer hinderlic tot ons selfs (soo lange als den Co-
mink sal continueren het voortganck der sake in die gheweldige manie-
re/ als hy nu doet) dan te wesen een instrument om hē wech te nemen van
daer dooz sulcke violente middelen / hem die ghehandelt heeft in een eer-
licher

licker ende vztendelicker sozte in' de beroepinghe hem beuolen/ dan eenige andere die hem opt te voozen is gegaeu/ oft qualijck hem ran na volgen.

Nu daeromme/ hoe quade apparentie datter is/ dat wy hebbende/ noch oorsake te misghaghen zynen persoon/ noch dat het voortganc des crychs soude ophouden dooz het verlies van hem/ soudē wesen het sy autheur/ oft eenigherley wyse consenteerende tot sulcken schyzkelicken daet/ wy refereerent tot het oordeel van sulcke/ als die daer insiende sake/ niet met de ooghen der affectien/ Maer meten ende wegghen de dinghen na eere en redene. Bouen dien is het te gheloouen/ so het waer gheweest hadde/ dat wy hadden gheweest eenichsins daer van beswaert (ghelijck den autheur seght) de bekentenisse vande gheexecuteerde partijen betreffende sulcke sake/ als dooz hem is geallegeert soude voortghebrocht ende gheopenbaert geweest hebben: want de boosheyt en laet geen dinc onondersocht/ welke voeden mach het senn van alsulcken humeur.

Den besten loop dat bepde wy ende alle andere Princen konnen houden in desen ongheluckighen tijdt/ die oueruloeyt met ghetalen van verkeerde Gheesten/ is dooz de ghenade ende goedicheyt des Almachtighen Gods/ te belepden onsen loop in sulcker maniere/ dat se veel eer moghen toonen hare willen dooz boosheyt/ dan met rechte oorsake dooz verdienste/ qualick te spreken/ oft Princen te diffameren/ het sy met spreken ofte met schyguen: versekerende ons seluen/ dat bespde de straffe dat sulcke boose ende schendeliche lasteraers sullen ontfanghen dooz de handen des Almachtighen vooz de beschuldinge der Princen/ ende wettelicken Magistraten/ welke zijn Godes dienaers/ sy bepde zijn/ ende altyds sullen wesen gheacht by alle goede menschen/ onweerbich te leuen op het aenschyn des Aertrijcks.

*Ghegheuen te Richmount den eersten van October 1585.
ende den 27. Iare des Rijcks onser ghenadighe Souereine vrouwe de Coninginne Elizabeth om ghepubliceerte vverden.*

*Ouergheset vvt het Enghelsche original,
in Nederlandtsche sprake.*

Handwritten text in a historical script, likely Latin or Dutch, covering the upper half of the page. The text is dense and appears to be a formal document or letter.

Handwritten text in a historical script, likely Latin or Dutch, located below the main body of text.



Handwritten text in a historical script, likely Latin or Dutch, located below the library stamp.

